

# مجموعه سنون

اثر

جمعیت عالیہ عثمانیہ

ایکینچ پ

نومبر ۱۵

ربیع الاول

استانبول

جمعیت عالیہ عثمانیہ مطبعہ سندنہ طبع اول نمبر

۱۲۸۰



## (تاریخ حکمای یونان)

## سولون

اوتوز بشنجی اولیمپیادک اوچنجی سنه سی یعنی میلاددن التی یوز  
 قرق سنه مقدم تولد ایدوب اللی بشنجی اولیمپیادک اوانلنده  
 یتیم سکرز یاشنده اولدیغی حالده وفات ایلشدر .  
 سولون فی الاصل انهل اولوب پدری اننه ملوکندن قودروسک  
 نسلندن و والده سی اننه مشا هیر رجالندن پیرستراتک  
 اقرباسندن ایدی . اوانل حالنده اولوقت مجمع علما اولان  
 مصره عزیمتله اورانک اصول حکومت و قوانیننه و اهابنسک  
 اخلاق و عاداتنه کسب اطلاع ایتدکدن صکره اننه عودت  
 و کمال اهلیت و اصالتنه مبنی مناصب رفیعهدی احراز ایلدی .  
 مومی الیه فوق الغایه رشد و یکاستله متصف اولوب بونکله برابر  
 زیاده ثبات و استقامت احمابندن ایدی و غایت متکلم و مدبر  
 و شجاع ایدی . مدت عمرنده دائماً وطنک سربسنیتی ایچون  
 زیاده غیور اولوب ارباب ظلم و عدوانه خصومت ایدر ایدی .  
 و خاندانک ترفع قدر و شانتی پک التزام ایتمز ایدی . و مجرد  
 امور ادبیه و سیاسیه حصر افکار ایلکم ایچون اسباب  
 طبیعتی بحری و استکنناه ایلله اشتغالدن فراغت ایتمشیدی .  
 (خیر الامور اوسطها) کلام مشهورینک قائل مومی الیهدر .

سولون بچن دفعه ترجه حالی تحریر ایلدی بکزن تالپس حکیم ایله معاصر اولدیغندن شهرتی ایشیده رک انکله ملاقی اولقی اوزره پالاجه شهرینه عزیمت ایلدی و حکیم مومی ایسه ایله برار مصاحبت ایتد کدن صکره ای تالپس تاهل ایتدی بکزنه تعجب ایدرم تاهل ایتسه کز ایدی اولادی بکزن دنیایه کلوب انلرک ترید سیله ملذذ اولوردی بکزدیدی . تالپس اول انده بوکا جواب ورمیوب برفاچ کون صکره اجنبی هیئتده تعلیم ایلدی بکی بر آدم ایکبسی برارده بولندیغی حالده زیارتلرینه کلوب انهای صحبتده بو کونلرده اتندن کلدی بکنی خبر ویدی . سولون اتنده نه وار نه یوق دیو اورانک احوالندن سؤال ایتد کده برشی ایشتمدم فقط چیدریغم کون اتنها هال بسندن بر دلیقانی وفات ایدوب جنازه سنده عظیم جمعیت وار ایدی . ایشتمدی بکمه کوره بو دلیقانی مملکتک معتبرانندن و بین الاهی غایت محترم بر ذانک اوغلی ایمش و بو ذات برار وقتد نبرو اتنده دکل ایمش . دوستلری اوغلانک وفاتندن هلاک درجه سنده متأثر اوله جغنی بیلد کلرندن بو خبرک کندوسندن کتبی تصمیم ایتشلر دیدی . سولون بونی ایشتمد کده واه زوالو اد مجنن عجبا ادی ندر دیملکه حریف ادینی ایشتمش ایدم اونتم فقط شوراسی ایو خاطر مده درکه هر کس غایت عاقل و کامل برادمد ر دیورل دیدی .

شوافادانک اوزرینه سولون زیاده مضطرب اولوب بو دیدی بکزن آدمک ادی سولون اولمسون دیدکده حریف اوت تمام اودر دیدی . سولون شو خبردن بر درجه متأثر اولدی بکه اوانی یرتمغه

وصاچنی یولمغه وباشنه اورمغه باشلا یوب والخاصل کمال یأس و ملالده  
ارتکاب اولنان هر درلو حالانک هیچ بریسنندن اجتناب ایتمدی .  
تالپس بوقدر فریاد وتلاش نه لازمدر بو بر مصیبتدر که بتون عالم  
کوز یاشی دوکسه دفعی ممکن اولمز دیدکده سولون آه اشته  
بنده بوقدر فریاد و فغانمه سبب بویا . قابل علاج اولیان بر درده  
تا سف اید یورم دیدی . تالپس نهایتده سولونک شو اوضاع  
و حرکاته کولمکه باشلیدرق عزیزم سولون اشته تاهلدن بن بونک  
ایچون قورقرم . الک عقلو آدمک متا سف اولمزینه نظراً عشق  
و محبتدن و تربیه اطفالدن مستولد اولان کدره الک زیاده پاک اولان  
یورکمرک یله متحمل اولمده جغنی ییلورم . شو خبرک هیچ بریسنک  
اعلی اولمیوب مخصوص ترتیب اولمش اولدیغندن تلاش لازم  
دکلدر دیدی .

آنته لوز ایله میغارالور (۱) بیننده سالامین جزیره سندن طولانی  
مدت مدیده جنک و جدال وقوع بولدی . بو یولده طرفیندن پاک  
چوقی تلفات اولوب بوندن آنته لوزدها زیاده متضرر اولدقلرندن  
میغارالور یندن بولنان مذکور سالامین اطه سنک ضابطه واسطیلاسی  
ایچون هر کیم حرب تکلیفته جسارت ایدر ایسه قتل ایله مجازات  
اولمده جغنی اعلان ایلدیلر . سولون شو قراردن خشنود اولمیوب  
فقط بو بایده قمع کلام ایده جک اولسه مجازات مذکوره یه  
دوچار اوله جغنی ییلدیکنندن استدیکنی سوبلک و بو بایده

(۱) یونانستان قدیم شهرلرندن اولوب قورنث کورفری ایله آنته

بیننده واقع بر شهردر .

بر وجهه مسئول و هاتب اولماق ایچون کندوسنی دیوانه لکه  
 اوروب عقلنه خفت کتور من اولدیغنی بتون شهره اشاعه  
 ایتدیردی . و برقاج بیت مرثیه نظم ایدوب از برایتدکن صکره  
 ارقه سنده غایت اسکی و یرتق بر لباس و یوغازنده بر ایپ و باشنده  
 بر کیرلی طاقیه اولدیغنی حالدده خانه سندن چیقماغه بتون اهالی  
 باشنه جمع اولدیلر . سولون طوغری کیدرک اعلانات قرائنه  
 مخصوص طاشک اوزرینه چیقوب خلاف معنادی اوله رقی مذکور  
 ایاتی قرائت ایلدی و کاشکی بن آتندی اولیوب ممالک وحشیددن  
 بر محلدده طوغش اولدم اول حالدده هیچ اولمز سه خلق نی  
 پارمقله کوستره رک بوده سالامینده عارفرازی ارتکاب ایدن آتندلور دندر  
 دیدکلرینی ایشیدوب دلخون اریلزدیم . ای آتندلور نه طوره یوز  
 کور دیکمز حق سارک انتقامی اله لم و بغیر حق دشمن انده  
 بوئنان مسکن لطیفه زنی استرداد ایدم وادیسندده بر مقاله  
 مؤثره ایراد ایلدی . شوکلات آتندلوره بدرجه تأثیر ایتدیکه  
 قرار سابقلرینی در حال فسخ ایدرک تکرار میغارالور علیه نده اعلان  
 حربیه قرار و یردیلر . سولون سر عسکر انتخاب اولوب موجود  
 معینی اولان عسکرله بر طاقم بالقجی قایق لرینه سوار اولدیلر .  
 ارقه سندن ارتوز اتی کورکلو برقاد رغه دخی کلدیکی حالدده  
 کیدوب سالامین قرینده بر محله تیمور اندیلر . محل مذکور اهالیسی  
 صورت حالدن بیخبر اوله رقی بر طاقم کیلر کلدیکنی اوزاقدن  
 کور دکلرنده ایچلرینه غلغه دوشه رک حربیه آماده اولدیلر  
 و بو کیلرک نه مقصدله کلدیکنی اکلامق ایچون قار سولرینه

برکی کوندز ديلر . اشبوکی آتته لولرک سفاینته یاقلا شددقه .  
 سولون بونی طوتد یروب درونده بولسانلری اخذ وتوقیف  
 ایتدیردی ویرلینه کندو عسکرندن اک جسورلری ارکاب  
 ایله ممکن مرتبه کیرلندکلری حالده سالامین طرفته عزیمت ایللرینی  
 امر ایلدی وکندوسی قصور عسکر یله برابر دیگر بر محلدن قاره یه  
 چیقاره رق مقابله یه آماده بولسان دشمن اوزرینه هجوم ایلدی  
 و محاربه اثنا سنده کی ایله کیدنلر قاره یه چیقوب بلا مانع و مزاحم  
 شهری ضبط ایتدیلر . سولون بو وجهله مظفریت عظیمه یه  
 نائل اولدقدن صکره محاره به ده انان اسیرلری بلابدل اعاده  
 و غلبه ایتدیکی محله جنک الهی اولان مارس نامنه برعبا دتخاته  
 انشا ایلدی .

براز وقت مرورنده میغارالور تکرار سالامینی المق داعیده سنه  
 قیام ایلدیکندن شونزاعک فضل صمنده طرفین لاقدمون شهری  
 اهابلسنی حکم نصب ایتدیلر . سولون مازع فیه اولان اشبو  
 سالامین جزیره سنک ذاتاً آتته لولره عائد اولدیغنی اثبات معرضنده  
 و قتيله سالامین حکمداری اولان ایافسک اوغللری اولان (فیلوس)  
 و (اوریفاسس) کلوب آتته ده ممکن ایتدکلرینی وکندولری  
 آتته اهابلسی سلکنه ادخال اولمق شرطیله جزیره مذکوره یی  
 آتته لولره ترک ایتمش اولدقلرینی بیان ایلدی و سالامینده بر قاج قبر  
 اچدیروب سالامینلور موتالینک یوزینی آتته لولرک چویردیکی طرفه  
 چویردکلرینی و آتته لولره مخصوص عادت اوزره تابوتلرک اوزرینه  
 جنازهک منسوب اولدیغنی خاندانک اسمی محرر اولدیغنی ارايه

ایلدی . بونک اوزرینه میغارالور برشی دیه ماه شلرایسده ، چوق  
 یکمکسزین اخذ انتقام ایلدیلر شویله که مدت مدیده دنبرو آنه  
 مشاهیر رجالتدن ( قیلون ) و ( میغالس ) نام ذاتلرک نسلاری  
 بینده ظهور ایدن اختلاف بر درجه اشتداد بولدی که شهر  
 بالکلیه خراب اولمق درجه سنه کلدی .

( قیلون ) وقتیه آتنده زمام حکومتی یدینه المق اوزره بعض تداییر خفیدیه  
 قشبت ایش اولدیغی میدانه چیقارق کندوسیه هوا دارلرندن  
 بر قاجی اعدام اولمش و بونلردن قاجوب قورتیلانلر ( میزو )  
 عبادتخانه سنه التجا ایشلرایدی . اولوقت شهر کتخداسی  
 بولسان مومی السه ( میغالس ) مر قوم ملتجیلری حق التجاری  
 ضایع اولماق اوزره برایک براوجی ( میزو ) صمنده و دیگر اوجی اللرنده  
 اوله رق کلوب حاکم حضورنده محاکمه اوللرینه هر نصله  
 ارضا ایلدی و بونلر اولوجهله معبددن نزول ایلدکلرنده ایملر  
 قیرلغله میغالس اشته شو حال معبوده نك کندولرینی  
 حایت ایتک استمدیکنه علامت علیه در دیهرک بر طاقنی  
 اخذ و گرفت ایتدیروب در حال بونلری اهالی قتل ایلدی و تکرار  
 عبادتخانهیه فرار ایدنلرک دخی التجا سنه رعایت اولنمدرق همان  
 جله سی اوراده اخذ و قتل اولندی فقط بر قاج نفری بعض وجوه  
 بلده زوجه لرینک شفاعت و رجاریله عفو اولتوب خلاص اولدیلر .  
 ایشو حرکت نامر ضیه حکام و نسللری حقنده موجب نفرت  
 اولوب اولوقت دنبرو جله عندنده مبعوض و منفور اولدیلر . بر قاج  
 سنه صکره قیلونک نسلی زیاده کسب نفوذ و اقتدار ایدوب طرفین

بیننده اولان بعضی و خصوصت کتدیجه مشتد اولدی . سولون  
 اولوقت حاکم بولندیغدن شواختلاک نهایت مملکتک اضمحلالانی  
 داعی اریلسندن خوف ایدرک منازعدنک فصلی ضمننده ایکی  
 جانبدن حاکمرا انتخاب ایلمک اوزره طرفینی ارضایلدی . اشیو حاکمرا  
 سالف الذکر قیلون خاندانی لهسنده قرار و برد کلرندن مخالفلری  
 اولان میساقلاس خاندانندن بر حیات اولنار کافه مملکتدن  
 نفی و تبعید و وفات ایتش بولنلرک کیملری مزاردن چیقاریله رق  
 اینه حکومتی حدودندن خارجه انداخت قلندی . بووجهله اینه لور  
 بیننده ظهور ایدن منازعه و اختلافی میغارا لور فرصت انتخابله  
 حربه قیام و سلامین جزیره سی تکرار ضبط و تسخیر ایتدیله .  
 شو فساد بر طرف اولور اولن بر دیگری دهها ظهور ایدوب بو دخی  
 پک چوق نتایج و خیمه سی مستلزم اولمشدر شویله که فقرای  
 اهالی زیاده مدیون اولدیغدن قانون مملکت اقتضاسیجه پک چوق  
 کسان داینلرینک پنجه اسارته گرفتار اولوب داینلر بولنلری دخواهلی  
 وجهله استخدام و یا خود بیع ایدرلر ایدی . اهالی شو حاله  
 تحمل ایده مدیکندن بر طاقی مجمع ایدرک ایچلرندن بریسی یوم  
 موعودده ایقای دینه مقتدر اولدیغی حالده اسیر ایدمک اصولنک  
 لغو اولنسی و اسسار طرده اولدیغی مثللو کافه اموال و املاک  
 بین الاهالی مساوات اوزره تقسیم قلمسی ضمننده یکیدن بر رئیس  
 انتخابنه قرار و بر دیلر . بو وسیله ایله دخی اتش اخلال  
 بر درجه اشغال ایلدی که بر وجهله تسکینی چاره سی بولنه مدی .  
 شو ماده نک دوستانه فصل و تسویه سی ضمننده طرفینک رضاسیله

سولون انتخاب اولدی . مومی ایله اشبوما موریت مشکله ن  
قبولی حقنده اول امرده صعوبت کوسترمش ایسده مجرد  
وطنه بر خدمت ایتک آرزوسیه موافقت ایلدی . مقدملری  
دائما سولون (مسارات هر درلومنازعانی دفع ایدر) دیدیکی جهته  
هر کس بوکا کندو مراغه موافق صورته معنا ویره رک فقر طاقی  
سولونک بوندن مرادی مالا عموم اهالی مساوانده طوبلق واغیا  
ایسه کافه حالانده هر کسک اصل ونسبنه وقدر و اعتبارینه کوره  
معامله قلمقدرد افکارینه ذاهب اولدیلر . سؤکیئت سولونک  
طرفین نظرنده دخی بر درجه ممدوحیتنی موجب اولدی که  
حکمدار لغی قبول ایلمسیچون ایکی طرف دخی رجا و نیازه باشلدیلر  
اشبه منازعانده مدخلی اولیانلردخی دفع فساد بوندن بشقه  
چاره بولمز اعتقادیه کمال عفت و استقامت و فرط رشد و یریتی  
بجمله عندنده مسام اولان بر نائک زیر اداره سنده بولنلرینه  
بالمونیه موافقت کوستردیلر . سولون ایسه بوندن زیاده سیله تباعد  
ایدرك اول حالده کروه متعلیندن معدود ارله جنی جهته قطعاً  
قبول ایتیه جکنی علنا بیان ایلدی . دوستلری بوندن طولایی  
کندوسنه لوم و عتاب ایدرك مؤخرأ بونک بر صورت  
مشروعیه وضعی ممکن اولدیغندن مجرد متغلب لفظ بی مآلندن  
احترازاً شو مسند رفیعی قبولدن استکاف ایلمک ساده  
دلاک علامتیدر وقتیه (تیمونداس) ینه بو صورته (اغریوز)  
حکمداری اولدیمی و (پیتاک) الوم مدالو حکمداری دکلمیدر  
دیدیلر . سولون بو مقالاته اصلاً انتفات ایتیبو کرک بحق

و كرك تغلب طريقه استحضال اولنان مساند حكومت في الواقع  
 كوزل شير ايسوده اول حالده انسانك هر طرفي ورطدله محاط  
 اولوب بر كره دروننه دخول اولند قد ه خروج ايده جك يول  
 بوله مز ديدى . والحاصل اشبو تكليف سولونه بروجهله قبول  
 ايتديريله مدى . دوستلرى سولونك شو حالتي جتته چل ايلديلر .  
 سولون اتنه اختلا لك دفعنه سعى واهتمام ايدرك اول امر ده اول  
 وقته قدر عقد اولنان كافه ديونى من بعد هيچ بروقتده مطالبه اولند ماق  
 شرطيله فسخ وابطال ومديونلرك دمترلرني ابرا ايلدى وشوقويله  
 لك اول كندوسى عامل اولديغنى خلقه كوسترمك اوزره پدرينك  
 تركه سندن كندوسنه عائد اولان بر مبلغ جسيى ترك ايلدى .  
 واشبو فسادك منشي اولان محاذيرك دفعى مقصديله من بعد  
 ادا اولنده مديعى حالده دايك اسارتى قبول قلمق شرطيله عقد  
 اولند جق ديونك كان لم يكن حكمنده طوتيله جفنى اعلان ايلدى .  
 ابتدائى امر ده ايكي طرف دخى شو حكمدن ناخشنود اولوب  
 اغنيا بووجهله مطلوبلرينك اضاعه ايدلمسندن وفقر دخى  
 اموانك مساوات اوزره تقسيم اولنماسندن ناشى منفعل اولديلر  
 ايسوده بعده طرفين دخى اشبو نظامات جديده لك فوائده  
 ومحسناتنى تسليم ايدوب حتى مؤخرأ آتته شهرينك منقسم  
 اولديغى اوچ فرقه ييننده ظهور ايدن اختلافك دفعى خصوصتى  
 ينه سولونك عهده سنه حواله ودلخواهى وجهله قوانين وضع  
 وحكومت تأسيس ايلسنى رأينه تفويض ايلديلر .  
 جبل اهاليسى زمام حكومت كاملا ملت يدنده اولسنى و او

اهالیسی وجوه مملکتدن پالکیز بر قاج کشینک سرکارده بولنسی  
کمچیلر ایکی کروهدن دخی وجوه انتخاب اولنسی داعیه سنده  
ایدیلر .

سولون شو ماده ده مأذونیت مظافه ایله حکم انتخاب اولنمغه  
اولا سلفی اولان دراقون نام ذالک وضع ایتمش اولدیغی قوانینی  
فسخ والغالبدی چونکه قوانین مذکوره غایت شدید اولوب ال ادا  
قباحت ایدیلر جنایات عظیمه اصحابی کبی قتل ایله مجازات اولور  
ایدی . بوش کز مک و بر مقدار میوه و یا خود سبزه سرقت ایتمک  
عادتا قتل نفس وار تکاب کفر و امشالی کبائر ایله سیان  
طو تیلور ایدی و حتی قانون مذکور کمال شدتدن نکایت اولورق  
قان ایله تحریر اولمش دینلور ایدی . اشبو قانونک واضعی  
اولان سالف الذکر درا قونه نیچون هر درلو جرایم اصحابی  
بلا فرق قتل جزاسی تعیین ایلدک دیو سوال اولندقد ال کوچک  
قباحت اصحابی بو جزایه مستحق اولوب بیوک جرایم ارتکاب  
ایدیلر ایچون بوندن اشدخی بوله مدیغمدن دیمشدر .

سولون عموم اهالی یی متصرف اولدقلری اموال اعتباریله اوج  
صنفه تقسیم ایدوب حکومت مأموریتلرنده استخدامده صلاحیت  
اعطا و فقط کند و کد یمینلریله تعیش ایدن اهل صنایعی  
بوندن استثنا ایلدی بونلر اشبو امتیازدن محرومیتلرینه مقابل  
اولقی اوزره هر درلو تکالیفدن وارسته ایدیلر .

بیوک مأمورلرک قید حیات یعنی بر قباحتلری ثابت اولمدقجه  
عزل اولنماق شرطیله برنجی صنفدن انتخاب اولنسی و براختلال

ظهورنده هیچ بر طرفه میل کو ستر میا نلرک فضا احتلری اعلان  
 اولمسی و برزنکین تادین ایله تزوج ایتمش بر ادمک قوه رجولیتی  
 منسلب بولندیغی حالده زوجه سی کند و سنک ال یقین  
 اقر باسندن استدیگی شخص ایله مقارنت ایده بیلمسی  
 وقادینلرک جهازی یالکز اوج قات اثواب ایله اثاث بیتدن  
 اهون بهالو بر قاج اشپادن عبارت اولمسی وار تکاب زنا ایدن  
 زوج و یا خود زوجه شو و فعلک اجر اسی اثنا سنده باصلدیغی  
 حالده اعداملری جائز اولمسی سولونک وضع ایتدیگی قوانیندن در  
 کذلک قادیلرک مصارفنی تخفیف و بینلرنده مرعی اولان بعض  
 مراسمی الغا و اولادی اولمیا نلر حین وصیتده تام الشعور اولوق  
 شرطیله استدکلرینی وارث تعیین ایللرینه رخصت اعطا ایتدی  
 و (اذکر و امواتکم بالخییر) امر جلیلی و جهله امواتک مذمت ایله یاد  
 اولمسی منع ایلمدی و برده امواتنی اتلاف ایدنلرک فضا حتی اعلان  
 اولندرق هر درلو امتیاز ایدن محروم اولمسی و اختیارلقی حالسند  
 پدر و والدہ سنی اطعام ایتما نلر حقندہ دخی بو و جهله معامله  
 اولوب فقط حین صبا و تنده کند و سنه بر صنعت تعلیم ایتما مش  
 ایسه اول حالده ولدک والدینی بسلیمکه مجبور اولماسی و راجبی  
 قید حیات شرطیله مملکتندن نفی اولمقد قبحه و یا خود بر صنعت  
 سلوک ایتک اوزره اولاد و عیالیه کلوب توطن ایتدکجه آتده اهل اسی  
 ساکنه ادخال اولنماسی و مملکت اغورنده وفات ایدن چو جقلرک  
 بیت المال طرفندن تربیه قلمسی و وصیلر تحت وصایتلرنده بولسان  
 اطفالک والدہ لریله بر اکنده بر خانه ده ساکن اوله میوب ال یقین

اقربادخی وصی تعیین اولنه مامسی وسارقلرقتل ایله مجازات اولنوب برکون  
چیقارن ادمک ایکی کوزی بردن چیقارلسی قوانینی وضع ایلدی .  
سولونک اشبو قوانینی لوحدره حک اولنورق مجالس اعضاسی  
تمامی اجرا سنه رعایت ایدوب وایتدیره جکلرینه یمین ایلدیلر .  
بونک حسن محافظه سنه مأمور اولنار دخی قوانین مذکوره نک  
خلافی بر حرکتده بولندقلری حالده ( آپولون ) عبادتخانه سنه  
کندوجسا ملرنده التوندن بر تصویر اهدا ایده جکلرینه  
علی رؤس الاشهاد قسم ایلدیلر . اشبو قوانینک معناسنده  
بین الاهالی برکونه اختلاف ظهور ایتدیکی حالده تفسیر و تأویلی  
ایتمک اوزره مخصوص حاکم تعیین قلمنشدی .

سولون برکون قوانین مذکوره نک تنظییله اشتغال ایلدیکی حالده  
( اناشارسبس ) شوتشینی استخفاف ایدرک برطاقم خطوط ایله  
ادملرک مظالم و اغراض نفسانیدرینی فصل منع ایده بیلورسن بو مقوله  
او امر و نواهی پرده عنکبوتیه مشابه اولوب انجق سککری  
ضبط ایده بیلور دیملکه سولون جوابنده انسا نلر بیلنرنده  
قرار و یردکلی شیلرک اجرا سنه سعی ایدرلر بن قانونارمی  
بر صورتده یاپه جفم که کافه اهالی انی اخلاص ایتمکدن ایسه انفاذ  
ایتمک حققرنده دها خیرلر اوله جفنی تیقن ایده جکلردر . پدر و والده سنی  
قتل ایدنلر حقنده تعیین جزا ایتماش اولغله بونک سبی کندوسندن  
سؤال اولندقدده پدر و والده سنی قتل ایده جک فنا ادم بولنه بیله جکنی  
مأمول ایتدیکم ایچون دیمشدر .

( منیف )

( بقیه سی مسکره )